

Transkription von Urkunde BRB 1396a

Ort, Datierung: Brandenburg an der Havel, 1396-02-23

Signatur: Stadtarchiv Brandenburg, 0.1.0.20

Inhalt: Allebrecht van Sandow: Gutsurkunde zum Leibgedinge

Ik Allebrecht van sandow vnde myn rechte erue beke(n)nen in dessene open briue vor alle lude , dý en sin horen odd(er) / lesen , dat ik verkope vnde verkoft hebbe , met willen vnde met vorgedachte(n) múde , vnde met vulbort myner / kynde(re) , Ebel klenesadel , vnde syne(n) rechte(n) erue , vnde peter malentzin vnde syne(n) rechte(n) erue , Tũ leýne vnde / tu erue , vnde elzebethen ebel clenesadels elýken husvrouwe(n) , vnde Alheýden pet(er) malentzines elyghen husvrowe(n) / tu erer twýer lýfgedinghe , dat dorp tũ der w[e]ntgoben met aller to behoringhe met geholte , met graze vnd(e) / met acker vnde ses vnde druttich hũnre vp twelf , vnde achteýn scýllink pe(n)ni(n)ghe B(r)andenborsgh(er) munte Jer-/liker pleghe , Vp sunte mertens daghe , vnde twelf , hũnre vp vir huven van den výne(n) dy dar hore(n) tũ deme / schulte ambachte , met alle(m)me rechte , Alze mýn vader mý dat vorghenante gũt ge erfet heft , vnde ik dat / beseten hebbe ruwelike synt mýnes vader dode Sunder allerleýe an sprake , Ane vif hune(n) buten bescéyden / dy dar horen tũ deme sculte ambachte , vnde gan tu lene van allebrechte van den werder , vnde sunder , dý / molne dý dar lýt in der vor benumden marke tu der , wentgrobene , Ok lye ik vorghena(n)te albrecht van . / sando . vnde hebbe gelege(n) met willen vnd(e) vorghedachte(n) mude , vnd(e) met vulbrot mýner kýnder dat / vor ghenante gut tu der wentgrobe(n)ne , den vorghenante(n)n Ebel klenesadel vnd(e) syne(n) rechte(n) erue(n) vnd(e) / pet(er) malentzine vnde syne(n) rechten erue(n) tu lene vnde tu erue , vnde Elzebeten ebel klenesadels elýke(n)n / husvrouwen vnd(e) Alheyden(e) pet(er) male(n)tzines elýke(n) husvrouwen tu erer twýer lýfghedinge , Ok wen / got ouer mý genanten Albrechte van Sandow ge bydet dat ik sterue so scoln mýne kýnde(re) dat vor=/ghenante gut den vorbenumden , Ebel klenesadelle , vnd(e) pet(er) malentzine vnd(e) erer twyer rechte erue(n) / tu lene vnde tu erue , vnd(e) Elzebeten ebelklenesadels elike husvrowe , vnd(e) Alheýden pet(er) male(n)tzins elýke / husvrowe tu erer twýer , lýfgedinghe , lýen sunder allerleýe gýfft vnde gane , Des tu eyn(er) groter / bekentnisse hebbe ik vorgenante Albercht van sandow mýn Jngesegel met witschap an dessen briff / gehange(n) dý ge geue(n) ýs na godes bort dusent dryhundert yar Jn deme ses vnd(e) negentigsten yare / an Sunte mathias auende dýs hilgen Apostels /